



# TIMOR-LESTE

Kondisaun hanesan bailoro-naruk, presu hahán sa'e, rai-halai no inundaun kauza husi udan-bo'ot afeta ema na'in 360,000 ba iha inseguransa ai-han agudu

## IPC - ANÁLIZE INSEGURANSA AI-HAN AGUDU

**NOVEMBRU 2023 – SETEMBRU 2024**  
**Publika iha Fevereiru 29, 2024**

INSEGURANSA AI-HAN AGUDU ATUÁL NOVEMBRU 2023 - ABRIL 2024	
<p><b>360,000</b> 27% husi populasaun analizada</p> <p>EMA HASORU INSEGURANSA AI-HAN AGUDU AAS (IPC FAZE 3 KA LIU)</p> <p>PRESIZA ASAUN URJENTE</p>	<b>Faze 5</b> 0 Ema iha Katástrofe
	<b>Faze 4</b> 18,500 Ema iha Emerjénsia
	<b>Faze 3</b> 341,500 Ema iha Krize
	<b>Faze 2</b> 479,000 Ema iha Estrese
	<b>Faze 1</b> 502,000 Ema iha seguransa ai-han


### Vizaun jerál

Timor-Leste hasoru hela situaun seguransa ai-han pior-liu ne'ebé demanda asaun no atensaun urjente. Iha períodu atuál husi análize (Novembru 2023 - Abril 2024), korresponde hela ba época menus produsaun nomós janela ho impaktu aas husi El Niño, 27% husi total populasaun (maizumenu na'in 360,000) estimadu hasoru nivel aas husi inseguransa ai-han agudu (IPC Faze 3 ka superior), ne'ebé inklui 1% (ema besik 19,000) mak klasifikadu iha IPC Faze 4 (Emerjénsia), no 26% (ema besik 342,000) iha IPC Faze 3 (Krize). Presiza asaun urjente atu proteje meiu-subsisténsia, redús lakuna konsumu ai-han nian, no minimiza estratéjias solusaun meiu-subsisténsia no bazeia-ba ai-han ba 27% husi populasaun iha IPC Faze 3 no superior. Fatór prinsipál sira husi inseguransa ai-han agudu mak kondisaun bailoro-naruk kauza husi El Niño, rai-halai no inundaun kauza husi udan-boot, no inasesibilidade ai-han aumenta pobreza no presu ai-han sa'e nafatin.


Durante períodu análize projetada (Maiu - Setembru 2024), bainhira época pós-kolleita tipikamente hadi'a seguransa ai-han, antisipada deteriorasaun seguransa ai-han tanba udan-been menus liu tiha média ne'ebé simu iha períodu atuál, nomós taxa inflasaun aas-liu rejista iha Dezembru 2023 (aumenta 34% kompara ho Dezembru 2022) iha tinan sanulu liubá. Inseguransa Ai-han Agudu Nasional maka'as tanba iha aumenta konstanta adosaun estratéjia solusaun negativu sira, agravada husi pobreza pré-ekzistente, shock klimátiku susesivu, no projeta produsaun agrikola sei hetan redusaun. Iha períodu projetada, estimativa 27% husi total populasaun (maizumenu na'in 364,000) sei hasoru nivel aas inseguransa ai-han agudu (IPC Faze 3 no superior), ho 2% (maizumenu na'in 22,000) husi populasaun analizada klasifikada iha IPC Faze 4 (Emerjénsia), 25% (maizumenu na'in 342,000) klasifikada iha IPC Faze 3 (Krize). Fatór prinsipál sira ne'ebé kontribui ba deteriorasaun ida-ne'e mak impaktus negativu husi kondisaun bailoro-naruk ne'ebé projetadu sei balansa ho impaktu pozitivu husi períodu kolleita iha 2024, limita disponibilidade ai-han, oportunidade empregu relasiona ho agrikultura no rezerva ai-han husi familia sira. Deteriorasaun estimativa iha períodu projetada sei depende ba impaktu husi shock klimátiku hanesan kazu iha eventu El Niño no La Niña, nomos volumne udan-been iha munisipiu diferente sira no montante bee ne'ebe asesivel ba kada familia. Satán, asesu ba ai-han sei kontinua sai problema mak hanesan nia presu jeralmente sa'e signifkativamente kompara ho nivel pré-pandemia tanba interruptsaun kadeia abastesimentu, presu kombustivel sa'e, no redusaun globál iha kolleita hare, entre fatór sira seluk.

INSEGURANSA AI-HAN AGUDU PROJETADA MAIU - SETEMBRU 2024	
<p><b>364,000</b> 27% husi populasaun analizada</p> <p>EMA HASORU INSEGURANSA AI-HAN AGUDU AAS (IPC FAZE 3 KA LIU)</p> <p>PRESIZA ASAUN URJENTE</p>	<b>Faze 5</b> 0 Ema iha Katástrofe
	<b>Faze 4</b> 22,000 Ema iha Emerjénsia
	<b>Faze 3</b> 342,000 Ema iha Krize
	<b>Faze 2</b> 494,000 Ema iha Estrese
	<b>Faze 1</b> 483,000 Ema iha seguransa ai-han

### Situaun atuál: Novembru 2023 – Abril 2024



### Situaun projetada: Maiu – Setembru 2024



### Fatór Xave sira



#### Kondisaun hanesan Rai Maran

Timor-Leste esperiensia bailoro-naruk periódiku kauza dezafiu signifkativu ba agrikultura no rekursu bee. Efeito sira husi bailoro-naruk intensifikadu bebeik liu-husi redús konsumu ai-han, kontribui ba inseguransa ai-han, menus bee, no dezafiu ekonómiku sira.



#### Presu Ai-han Aas


Perturbasaun merkadu depende maka'as-liu ba importaun, illa sira ne'ebe remotas lori dezafius persistente relasiona ho presu ai-han sai aas. Fatór hanesan nee kauza vulnerabilidade aumenta iha Timor-Leste nia kadeia abastesimentu ai-han, afeta asesibilidade no disponibilidade ai-han ba nia populasaun.



#### Rai halai no Inundaun

Udan-boot iha Timor-Leste provoka rai-halai no inundaun fó ameaas boot ba komunidade sira no infrastrutura importante sira. Dezastre natural agrava inseguransa ai-han, tanba kauza lakon vida no pekuária, falla iha kolleita, no estragus ba infrastrukturas importante inklui propriedade privadu sira. Perturbasaun iha rota transporte limita kadeia abastesimentu, asesu ba merkadu no disponibilidade item ai-han produzidu lokalmente ba maioria populasaun vulnerável sira.

# IPC - SITUASAUN INSEGURANSA AI-HAN AGUDU ATUÁL (NOVEMBRU 2023 – ABRIL 2024)



### Xave ba Mapa

### IPC - Klasifikasaun Faze Inseguransa Ai-han Agudu

(Faze mapeadu representa gravidade aas-liu afeita maizumenus 20% husi populasaun)

- 1 - Minimu
- 2 - Estrese
- 3 - Krize
- 4 - Emerjénsia
- 5 - Fome (hamlaha)
- Áreas ho evidénsia inadekuada
- Áreas la-analizadu

#### Nivel evidénsia

\*\* Médiu

Tabela populasaun ba períodu atuál: Novembru 2023 – Abril 2024

Munisipiu	Total populasaun analizada*	Faze 1		Faze 2		Faze 3		Faze 4		Faze 5		Faze Área	Faze 3+	
		#ema	%	#ema	%	#ema	%	#ema	%	#ema	%		#ema	%
Aileu	54,631	21,852	40	21,852	40	10,926	20	0	0	0	0	3	10,926	20
Ainaro	72,989	21,897	30	21,897	30	25,546	35	3,649	5	0	0	3	29,195	40
Atauro	10,302	4,121	40	2,576	25	3,606	35	0	0	0	0	3	3,606	35
Baucau	133,881	60,246	45	53,552	40	20,082	15	0	0	0	0	2	20,082	15
Bobonaro	106,543	26,636	25	47,944	45	31,963	30	0	0	0	0	3	31,963	30
Covalima	73,909	14,782	20	25,868	35	33,259	45	0	0	0	0	3	33,259	45
Dili	324,269	145,921	45	129,708	40	48,640	15	0	0	0	0	2	48,640	15
Ermera	138,080	20,712	15	48,328	35	62,136	45	6,904	5	0	0	3	69,040	50
Lautem	69,836	34,918	50	20,951	30	13,967	20	0	0	0	0	3	13,967	20
Liquiçá	83,689	20,922	25	33,476	40	29,291	35	0	0	0	0	3	29,291	35
Manatuto	50,989	22,945	45	15,297	30	12,747	25	0	0	0	0	3	12,747	25
Manufahi	60,536	18,161	30	21,188	35	21,188	35	0	0	0	0	3	21,188	35
Oe-cusse	80,726	44,399	55	16,145	20	16,145	20	4,036	5	0	0	3	20,181	25
Viqueque	80,054	44,030	55	20,014	25	12,008	15	4,003	5	0	0	3	16,011	20
Total jerál	1,340,434	501,542	37	478,795	36	341,505	26	18,592	1	0	0		360,097	27

Nota: Populasaun ida iha Faze 3+ la nesesariamente refléta populasaun tomak neebe presiza asaun urjente. Ida-nee tanba familia balu dalaruma iha Faze 2 ka iha Faze 1 maibe tanba de'it simu ajudu, no ho razaun ida-ne'e mak dalaruma sira presiza asaun kontinuu. Inkonsisténsia marjiná siral ne'ebe bele mosu iha persentajen jerál husi total no total-jerál ne'ebe bele atribui ba arredondamentu.

# VIZAUN JERÁL NO FATORES XAVE SITUASAUN INSEGURANSA AI-HAN AGUDU ATUÁL (NOVEMBRU 2023 – ABRIL 2024)

## Vizaun Jerál konaba Situaun Atuál

Shock klimátiku estremu, presu ai-han aas no uza estratéjia solusaun meu-subsisténsia negativu sira mak kontribui ona negativamente ba situaun seguransa ai-han iha Timor-Leste. Iha períodu análize atuál (Novembru 2023 - Abril 2024), 27% husi total populasaun analizadu (maizumenus na'in 360,000) hasoru hela nivel aas inseguransa ai-han agudu (IPC Faze 3 no superiór). Jeralmente, husi munisípiu 14 iha Timor-Leste, sanulu resin rua (Aileu, Ainaro, Atauro, Bobonaro, Covalima, Ermera, Lautém, Liquiçá, Manatuto, Manufahi, Oe-cusse, no Viqueque) mak identifikadu hasoru hela kondisaun IPC Faze 3 (Krize), ho pursentu 5 husi populasaun iha Ainaro, Ermera, Oe-cusse, no Viqueque hasoru hela IPC Faze 4 (Emerjénsia). Períodu analítiku IPC ida-ne'e esepsonál (sériu) tanba nia iha hela janela ne'ebé hanesan ho impaktu El Niño ne'ebé tuir predisaun sei atinje nia nivel másimu hodi kauza kondisaun bailoro-naruk estremu ho insufisiénsia udan-been no ninia distribuisaun ne'ebé la-di'ak.

Períodu atuál deskobre katak konsumu ai-han inadekuada ne'e akontese iha 45% husi uma-kain sira iha Timor-Leste. Taxa aas-liu husi Eskores Konsumu Ai-han nian (FCS) la-di'ak no insufisiente deskobre iha munisípiu sira mak hanesan Covalima (69%) no Ermera (54%) tuir-kedas Lautém, Viqueque, no Aileu. Presu ai-han ne'ebé aas mós agrava inseguransa ai-han populasaun sira-nian. Índise Presu Konsumidór/Consumer Price Index (CPI) aas-liu akontese iha Dezembru 2023 desde 2013, iha 124.7, no hafoin iha tinan sanulu nia laran, hatudu aumentu pursentu 27. Aumentu ida-ne'e partikularmente notável ba grupu hahán no bebidas naun-alkoólikas husi IPC, hatudu aumentu pursentu 34 iha Dezembru 2023 kompara ho pontu referénsia ne'ebé hanesan. Alénde ne'e, kustu dietas ho mínimu rekerimentu no nutriente-adekuaudu aumenta ona ba pursentu 78 desde 2019, ho WFP nia monitorizasaun merkadu identifika katak kustu fós lokál sa'e ona ba pursentu 12 desde análize Inseguransa Ai-han Agudu IPC iha 2023 liubá. Ida-ne'e mos refléta aumenta iha uzu estratéjia solusaun buka-hahán no meu-subsisténsia ne'ebé partikularmente aas iha munisípiu Ermera, Liquiçá, no Ainaro; indika katak familia sira ho inseguransa ai-han ne'e mós enfrenta hela kondisaun ekonomia la-di'ak.

**Pobreza no vulnerabilidade ekonómiku subliña fatores ba inseguransa ai-han.** Bazeia-ba levantamentu ikus kona-ba padraun moris iha Timor-Leste (TL-SLS) iha 2014, pursentu 42 husi populasaun moris iha liña pobreza nasional ho saláriu mínimu USD 115 kada fulan. Iha Avaliasaun Seguransa Ai-han (FSA) dahikus iha 2024 fó-sai katak munisípiu haat ho persentajen husi populasaun iha situaun IPC Faze 4 mós relata persentajen aas sira husi sira-nia populasaun iha kintis rikusoin ne'ebé mak kiak-liu: Oe-cusse (pursentu 65), Covalima (pursentu 59), Ainaro (pursentu 56), no Viqueque (pursentu 39). Husi munisípiu sira hotu, Viqueque mak representa persentajen aas-liu ba familia sira xefia husi idozus iha área rurais ho pursentu 19. Familia sira ekonómikamente vulnerável lokalizada iha Covalima no Oe-cusse, ida ne'ebé rejista figura aas-liu ba rendimentu familia sira tuun iha fulan 12 ikus (respetivamente pursentu 66 no 61); enkuantu Manufahi no Ainaro iha taxa aas-liu ba familia sira akumula dívidas (respetivamente pursente 80 no 77). Medida sira kona-ba pobreza ko-relasiona maka'as ho malnutrisaun tanba munisípiu sira mós iha taxa GAM (Global Acute Malnutrition)/Malnutrisaun Agudu Global aas liu.


**Rikusoin hatudu relasaun linear ho estratéjias solusaun bazeia-ba ai-han no meu-subsisténsia.** Bainhira rikusoin familia nian aumenta, probabilidade menus implementasaun estratéjia hirak-ne'e. Portantu, uzu solusaun meu-subsisténsia negativu sei nafatin observadu iha kintis rikusoin ne'ebé riku-liu hotu. Ko-relasaun ida-ne'e hetan iha munisípiu sira ho populasaun enfrenta rezultadu outcome iha IPC Faze 4, ho balun husi meu-subsisténsia (pursentu 73- pursentu 91) no estratéjias solusaun bazeia-ba ai-han (pursentu 73 - pursentu 90) hetan iha Ermera no Ainaro. Iha mós ligasaun ho preokupasaun entre rikusoin, utilizasaun estratéjias solusaun no disponibilidade no asesibilidade dietas nutritivu. Covalima (USD 13.91) no Ainaro (USD 10.47) relata balun husi kustu diáriu aas-liu relasiona ho dietas nutritivu kompara husi média nasional USD 10.09, maibé sira iha taxa pobreza aas-liu. Preokupasaun adisionál mak Oe-cusse, iha ne'ebé la disponível ai-han natoon iha merkadu lokál sira durante períodu levantamentu atu kalkula kustu.

**Munisípiu sira ho utilizasaun aas-liu husi estratéjias solusaun Emerjénsia no Krize meu-subsisténsia mós maioria afeitadu ho shock múltiplu sira iha fulan sira resentes.** Ermera, Manufahi, no Ainaro, ida ne'ebé relata entre figura aas-liu ba estratéjias solusaun bazeia-ba meu-subsisténsia (respetivamente pursentu 91, pursentu 73, no pursentu 73), signifkativamente afeitadu mós ho shock rua ka liu iha fulan neen ikus ne'e. Ida-ne'e indika menus kapasidade husi familia vulnerável sira atu rekupera husi shock konsektivu sira tanba janela difikuldade estende. Espozisaun ba shock múltiplu iha Ermera (pursentu 32), Ainaro (pursentu 18 ), no Manufahi (pursentu 13 ) desproporsionalmente aas kompara ho munisípiu sira-seluk, aas-liu tuirmai mak Covalima ( 3%). Munisípiu hirak-ne'e mós relata ona taxa balun ne'ebé aas-liu relasiona ho familia uza poupanza nu'udar mekanizmu solusaun meu-subsisténsia (pursentu 65-pursentu 85). Entre munisípiu sira ne'ebé afeitadu maka'as-liu husi shock múltiplu sira, figura aas sira balu kona-ba menus rendimentu familia nian observadu iha Ermera (pursentu 61) no Manufahi (pursentu 50), hatudu problema finanseiru familia espostu ba shock múltiplu ne'ebé iha kanál uitoan de'it ba rekuperasaun.

Iha kontestu aumentu kustu ai-han, munisipiu sira ho kustu aas liu konaba dieta nutritiva kada loraon direktamente ligadu ho persentajen aas liu husi familia sira ho dévida. Iha redus asesibilidade fós jeralmente ba populasaun vulnerável sira. Presu fós lokál (rai) voláteis no sa'e ona - atinje presu rejista aas liu dezde 2020 ho USD 1.88/kg iha Novembru 2023. Maibe, dezde 2022 tradisionalmente fós importadu asesível liu nomos sa'e drastikamente ba pursentu 15. Dezde 2019, iha ona aumentu pursentu 78 kustu médiu mínimu rekeridu husi dieta nutriente adekuaudu husi USD 5.68 kada loraon ba USD 10.09 kada loraon, representa ameasa ida ba ai-han hira mak tama nuudar rekeridu mínimu kada loraon. Pezu husi aumentu presu ai-han ne'e prezente liu iha Covalima, Dili, no Baucau, ida ne'ebé iha taxa aas liu konaba akumulasaun dévida hodi hetan ai-han. Kada fulan, familia sira presiza gasta liu USD 300/fulan hodi kobre sira-nia nutriente báziku, ida ne'ebé haksoet significativu husi USD 170 iha 2019 no doubro liu saláriu mínimu USD 115.

**Asesu ba bee sai ona dezafiu ida ne'ebé akontese kleur ona.** Deskobre ona liu um-terço husi familia sira hotu iha Timor-Leste mak enfrenta menus fonte bee adekuauda hanesan bee kanalizadu ka bee posu protejidu ne'ebé liga ba uma. FSA 2024 relata katak konsekuénsia rua ne'ebé sita barak-liu husi kondisaun bailoro-naruk esperirensia iha El Niño 2015-2016: Redús produsaun agríkola ba (pursentu 31), no redús asesu ba bee hemu (pursentu 14). Ermera (pursentu 24), Dili (pursentu 23), no Atauro (pursentu 20) relata ona redusaun aas-liu relasiona ho asesu ba bee durante bailoro-naruk husi El Niño 2015-16; Indika abastesimentu bee limitadu no prolongadu pelumenu ida husi ema na'in haat iha munisipiu hirak-ne'e. Iha médiu, maizumenu pursentu 10 husi respondente sira iha munisipiu sira seluk relata ona kona-ba menus asesu ba bee hemu; Baucau no Manatuto mak relata figura sira ne'ebé aas-liu. Dadus Levantamentu Nutrisaun no Ai-han Timor-Leste/Timor-Leste Food and Nutrition Survey (TLFNS) 2020 relata katak Oe-cusse (pursentu 43) no Viqueque (pursentu 50), munisipiu rua ne'e ho populasaun iha IPC Faze 4, no Covalima (pursentu 43) nu'udar munisipiu sira ho persentajen ki'ik-liu mak asesu ba fonte bee públiku/tuir padraun.

## IPC - SITUASAUN INSEGURANSA AI-HAN AGUDU PROJETADA (MAIU – SETEMBRU 2024)



### Xave ba Mapa

#### IPC - Klasifikasaun Faze Inseguransa Ai-han Agudu

(Faze mapeadu representa gravidade aas liu afeta menus liu 20% husi populasaun)

- 1 - Minimu
- 2 - Estresadu
- 3 - Krize
- 4 - Emerjénsia
- 5 - Hamlaha
- Areas ho evidensia inadequadu
- Areas la analizada

#### Nivel Evidensia

\*\* Médiu

Tabela populasaun ba períodu projetada: Maiu – Setembru 2024

Munisipiu	Total populasaun analizada*	Faze 1		Faze 2		Faze 3		Faze 4		Faze 5		Faze Área	Faze 3+	
		#people	%	#ema	%	#ema	%	#ema	%	#ema	%		#ema	%
Aileu	54,631	19,121	35	19,121	35	16,389	30	0	0	0	0	3	16,389	30
Ainaro	72,989	25,546	35	25,546	35	21,897	30	0	0	0	0	3	21,897	30
Atauro	10,302	4,121	40	3,091	30	3,091	30	0	0	0	0	3	3,091	30
Baucau	133,881	53,552	40	60,246	45	20,082	15	0	0	0	0	2	20,082	15
Bobonaro	106,543	21,309	20	53,272	50	31,963	30	0	0	0	0	3	31,963	30
Covalima	73,909	11,086	15	29,564	40	29,564	40	3,695	5	0	0	3	33,259	45
Dili	324,269	145,921	45	129,708	40	48,640	15	0	0	0	0	2	48,640	15
Ermera	138,080	20,712	15	48,328	35	62,136	45	6,904	5	0	0	3	69,040	50
Lautem	69,836	27,934	40	24,443	35	13,967	20	3,492	5	0	0	3	17,459	25
Liquiçá	83,689	16,738	20	29,291	35	33,476	40	4,184	5	0	0	3	37,660	45
Manatuto	50,989	22,945	45	17,846	35	10,198	20	0	0	0	0	3	10,198	20
Manufahi	60,536	21,188	35	21,188	35	18,161	30	0	0	0	0	3	18,161	30
Oe-cusse	80,726	48,436	60	16,145	20	16,145	20	0	0	0	0	3	16,145	20
Viqueque	80,054	44,030	55	16,011	20	16,011	20	4,003	5	0	0	3	20,014	25
<b>Totál Jerál</b>	<b>1,340,434</b>	<b>482,638</b>	<b>36</b>	<b>493,798</b>	<b>37</b>	<b>341,719</b>	<b>25</b>	<b>22,278</b>	<b>2</b>	<b>0</b>	<b>0</b>		<b>363,997</b>	<b>27</b>

Nota: Populasaun ida iha Faze 3+ la nesesariamente refleta populasaun tomak neebe presiza asaun urjente. Ida-nee tanba familia balu dalaruma iha Faze 2 ka iha Faze 1 maibe tanba de'it simu ajudu, no ho razaun ida-ne'e mak dalaruma sira presiza asaun kontinuu. Inkonsisténcia marjiná siral ne'ebe bele mosu iha persentajen jerál husi totál no total-jerál ne'ebé bele atribui ba arredondamentu.

# VIZAUN JERÁL SITUASAUN INSEGURANSA AI-HAN AGUDU PROJETADA NO FATÓR SIRA NE'EBÉ LIMITA (MAIU – SETEMBRU 2024)

## Vizaun Jerál Situasaun Projetada

Ba Timor-Leste, iha período projetada husi análise (Maiu - Setembru 2024), pursentu 27 husi total populasaun (ema na'in 364,000) ne'e projetada sei hasoru inseguransa ai-han agudu aas (IPC Faze 3 no superiór). Ida-ne'e inklui aumentu projetada husi populasaun hasoru rezultadu IPC Faze 4 ho kuaze ema na'in 4,000. Deklina atisipada husi seguransa ai-han ne'e sai preokupasaun ida, tanba período projesaun iha intensaun atu koinside ho kalendáriu bainhira seguransa ai-han di'ak tanba kolleita. Preokupasaun seluk maizumenus ema na'in 19,000 iha munisipiu neen (Aileu, Baucau, Bobonaro, Covalima, Lautém, no Liquiçá) ne'e projetada sei muda husi IPC Faze 1 ba rezultadu IPC Faze aat-liu, indika katak familia sira ne'ebé baibain iha kapasidade atu hasoru estrese ne'ebé mosu sei labele atu jere estrese. Ida-ne'e mós indika fragilidade husi seguransa ai-han iha país no situasaun alerta husi familia vulnerável sira ho inseguransa ai-han agudu bainhira hasoru shock agravadu no susesivu. Deteriorasaun seguransa ai-han ne'e antisipada prinsipalmente hetan kauza husi impaktu negativu El Niño ba produsaun hare no batár iha 2024 tantu iha país laran no rejionalmente, limita disponibilidade ai-han no presu ai-han sa'e no impaktu ba oportunidade empregu relaciona ho agrikultura no rezerva ai-han familia nian.

Munisipiu hitu sira ne'ebé antisipada ba deklina iha rezultadu seguransa ai-han (Aileu, Baucau, Bobonaro, Covalima, Lautém, Liquiçá, no Viqueque) ne'e mos maioria sei afetadu significativamente husi El Niño bazeia-ba esperiensa istóriu durante El Niño iha 2015/2016. Dezde 2015/2016, iha ona rekuperasaun limitadu iha nivel komunitária no uma-kain tanba munisipiu sira ne'e mós maioria hasoru ona shock klimátiku no ekonómiku susesivu. Enkuantu esforsu sira halo husi estadu kontinua atu investe iha melloramentu sistema bee ezistente iha tinan sira ikus-ikus ne'e, kanál irrigasaun bee hetan estragu no seidak hadia totál ba comunidade sira atu bele asesu bee ho montante suficiente iha tempu kultivu. Importante tebetebes mós ba monitorizasaun husi infestasaun Fall Army Worm (FAW) ida ne'ebé iha ameasa maioria iha munisipiu sira ba FAW nia tendénsia atu estraga hare no batár, resulta menus iha produsaun. Bainhira kondisaun bailoro-naruk maka'as kontinua akontese iha país laran tomak no ho atake husi La Niña antisipada iha tinan 2024, situasaun seguransa ai-han ne'e sei sai pior liután iha fulan sira mai-ne'e.

## Supozisaun

Supozisaun sira tuirmai ne'e halo durante análise ba período projesaun (Maiu - Setembru 2024).

1. Kondisaun El Niño sira sei mantein to'o 2024 nia klaran ho kondisaun La Niña sira ne'ebé komesa simultaneamente sein período tranzisaun ba rekuperasaun. Iha possibilidade boot akontese bailoro-naruk estremu no udan-been boot iha tempu hanesan iha tinan 2024.
2. Shock klimátiku estremu sei afeita negativamente rendimentu sira iha período atual no projesaun, afeita ba tempu kuda no kolleita, nomós afeita ba disponibilidade no asesu ekonómiku ba ai-han.
3. Presu ai-han sei nafatin aas tanba dependensia ba importasaun no produsaun agríkola tuun tantu iha Timor-Leste no merkadu fós iha país Ázia sira, no konsidera katak Índise Presu Konsumidór/Consumer Price Index (CPI) atinje figura aas-liu iha Dezembru 2023.
4. Sei iha responde emerjénsia planeadu lidera husi Governu no parseiru umanitária no parseiru dezvoltamentu sira, fornese assistensia ba maioria comunidade afeitadu sira.

Bazeia-ba Índise Bailoro-naruk kombinadu nasional/Combined Drought index (CDI), munisipiu sira hotu iha Novembru 2023 enfrenta kondisaun bailoro-naruk, prienxe ka ultrapasa tiha limite husi pursentu 60. Previzaun probabilística ENSO husi NOAA (National Oceanic and Atmospheric Administration)/(Administrasaun Nasionál Oseánika no Atmosférika) Dezembru 2023 prevé katak El Niño sei mantein to'o tinan 2024 nia klaran ho La Niña atu komesa kuaze simultaneamente. Husi Maiu to'o Jullu, iha possibilidade boot klima estremu akontese ho bailoro-naruk no udan been boot iha tempu hanesan iha 2024. El Niño sei posivel afeta asesu ba ai-han no bee, produsaun no rendimentu sazonal tuun. Embora, eventu klimátika La Niña ne'e dalaruma sei kauza rai-halai no inundasaun, kauza husi udan-boot, estraga infrastrutura importante no rai agríkola sira ne'ebé istórikamente kauza restrita asesu fíziku no afeta ba saúde plantasaun sira-nian.

Tanba inseguransa ai-han agudu pré-ezistente no vulnerabilidade agravadu iha país, mezmú El Niño moderadu ka eventu La Niña sira bele lori konsekuénsia boot-liu ba familia vulnerável sira. Iha ona, pursentu 44 husi familia sira nasionalmente esperiensa menus rendimentu iha fulan 12 ikus, kauza populasaun vulnerável sira iha período atual hodi konsumu ai-han negativu no aplika estratejias solusaun meu-subsisténsia hodi rezolve lakunas konsumu ai-han no rendimentu. Seguransa ai-han ne'e antisipada atu labele agravadu liután iha período projetada ba ema maizumenus na'in 22,000 ne'ebé hasoru hela kondisaun IPC Faze 4 (Emerjénsia) iha Ermera, Liquiçá, Viqueque, Covalima, no Lautém, tanba kapasidade solusaun meu-subsisténsia konstantamente menus tuir tendénsia ne'ebé hanesan ho período atual.

Timor-Leste hetan eskores “aas” kona-ba menus kapasidade adaptasaun ba mudansa klimátika, bazeia-ba Índise Globál 2023. Senáriu apresentada iha períodu projetada kona-ba análise sustenta nesiedade krítiku, intervensaun estrátejiku sira no mekanizmu apoiu sira atu rezolve no prevene presaun ba familia sira no halo kmaan kondisaun seguransa ai-han sira ne’ebé ladún diak. Iha 2024, antisipa kustu ai-han no kombustível sei kontinua aumenta tuir estimasaun sei fó presaun boot ba rendimentu familia, partikularmente durante época pós-kolleita. Kustu ne’ebé aumenta kria dezafiu ambiente ekonómiku ba familia sira tanba sira iha menus forsa atu kompras, menus rendimentu sazón’al, uza poupanza no dívidas atu kobre nesiedade esensial sira. Atualmente, la iha indikasaun sira ne’ebé sujere ba kondisaun hirak-ne’e sei muda fundamentalmente iha fulan sira tuirmai.

Maibe, época pós-kolleita ne’e tradizionalmente períodu ida husi produsaun rendimentu ne’ebé familia sira depende bá relaciona ho sustenta sira-nia moris entre kolleita sira. Produsaun agríkola tuun-liu no aumenta kustu ba ai-han no input sira sei efetivamente elimina fonte rendimentu ida-ne’e, hatudu katak familia vulnerável sira bele lakon rendimentu tinan ida iha 2023/2024, ne’ebé sei afeita konsumu ai-han familia sira-nian. Iha aumenta presu nia klaran ne’ebé kaptura husi análise Kustu Dietas /Cost of the Diet (CotD) 2023 kompara ho valores 2019, presu fós importadu sae komesa iha Trimestre-2 2023 nian (aumenta porsentu 15 husi tinan ba tinan), tuir tendénsia globál hanesan iha tinan 2023. Alénde ne’e, presu produtu báziku alternativu sira hanesan tubérkulus no sereal sira seluk aas-liu no fluktuativu-liu iha 2023 duké iha tinan sira anteriór.

Bazeia-ba dadus sensu 2022, Viqueque partikularmente iha populasau rurál barak-liu ho idade tinan 50 no liu. Ida-ne’e projetada katak iha porsentu 5 husi populasau sei hasoru IPC Faze 4, hatudu vulnerabilidade diferente husi populasau idozu sira. Efetivamente, ema ida husi ema na’in lima iha munisipiu sei la iha garantia ba oportunidade meius-subsisténsia, barak-liu sei la bele atu aumenta rendimentu no lakunas konsumu ai-han nian no presiza ajuda esterna. Bazeia-ba FSA, familia sira iha munisipiu ida-ne’e mos dalaruma sei iha dívidas no quintiles rikeza ki’ak-liu. Ida-ne’e antisipada sei kauza deklina ida iha seguransa ai-han iha kontestu presu ai-han ne’ebé sae. Baucau no Lautém, ida ne’ebé mos iha taxa aas husi populasau hasoru rezultadu IPC Faze 3 no superiór, iha taxa hanesan ho populasau rurál idade 50 no iha-leten, indika situasaun hanesan kona-ba vulnerabilidade no seguransa ai-han.

## REKOMENDASAUN BA ASAUN

### Prioridade Respostas

1. **Identifikasaun Kritéria Vulnerabilidade Komún:** Mellora ajudu tuir alvu liu-husi identifikasaun fatores demográfiku no fatores vulnerabilidade ne'ebé kauza inseguransa ai-han.
2. **Asistencia Umanitária:** Fó pursente 27 husi populasaun sira klasifikadu iha IPC Faze 3 (Krizé) ka liu, fornese ajudu umanitária ba maioria inseguransa ai-han no mitiga sira-nia deteriorasaun iha seguransa ai-han.
3. **Haforsa Programa Protesaun Sosiál:** Haforsa no revé programa protesausn sosiál tarjetada sira hodi garante familia vulnerável sira simu ajudu suficiente no tuir tempu.
4. **Melloramentu iha Jestaun no Fornesimentu Bee:** Tamba Timor-Leste nia kapasidade adaptivu no limitasaun bee sai ona problema persistente, investe iha melloramentu konkreta forneseimentu bee ba comunidade sira hotu hodi garante forneseimentu bee hemu ne'ebé moos, bee ba agrikultura no uza ba familia.
5. **Eleva Agrikultura Intelijente ba Klima:** Prioritiza investimentu sira iha intelijente ba klima/tékniku agrikultura konservasaun adekuada ba melloramentu to'os-na'in timoroan sira-nian reziliénsia ba bailoro-naruk no inundasaun, nomos garante produsaun lokál mesmu durante período perigu sira.
6. **Haforsa Sistema Kadeia Abastesimentu:** Hadia no aumenta prosesu sira, infrastrura no kordenasaun envolvidu iha produsaun, distribuisaun no entrega ai-han ba comunidade sira.
7. **Asaun Antisipatóriu:** Abordajen foti Asaun antisipatóriu atu mitiga inseguransa ai-han iha nivel nasionál atu minimiza estragus no lakon.
8. **Monitorizasaun Konjuntu konaba Seguransa Ai-han no Dadus Klimátikus:** Inklui indikadór sira kona-ba seguransa ai-han no dadus klimátikas iha sistema alerta sedu robustu no integradu, kontinua monitorizasaun iha munisipiu sira ho populasaun ne'ebé esperiensa vulnerabilidade iha nivel oi-oin ho risku aas inseguransa ai-han nian.
9. **Haforsa Kanál Kolaborasaun sira:** haforsa no operacionaliza Plataforma koordenasaun ezistente entre Governu, umanitária no autór desenvolvimento sira hodi garante kuadru koordenada ida ba resposta ne'ebé lalais.



## PROESU NO METODOLOJIA

Tuir Análize Inseguransa Ai-han Króniku IPC iha 2018 no hala'o análise Inseguransa Ai-han Agudu IPC primeiru iha tinan 2022 (publika iha Feveiru 2023), ida-ne'e rone segundu husi Análize Inseguransa Ai-han Agudu IPC ba Timor-Leste. Dezde país iha época prinsipál rua, udan (époka eskasez ho produsaun) ka bailoron (époka pós-kolleita), ne'e deside ona katak períodu atuál husi análise sei inklui Novembru 2023 to'o Abril 2024 hodi responde ho época eskasez no períodu projesaun husi Maiu to'o Setembru 2024 hodi responde ba pós-kolleita. Análize hala'o ho dadus nivel munisipiu inkluidu munisipiu sanulu resin haat sira hotu.

Sorumutu treinamentu loron-tolu ida hala'o iha Dili husi loron 23-25 Novembru, lidera husi koordinadór IPC rejionál ho apoiu tékniku husi analista WFP husi eskritóriu nasionál Timor-Leste no Filipina. Treinamentu hotu tuir kedas ho sorumutu análise loron-haat husi 29 Novembru to'o 2 Dezembru ne'ebé konklui iha 4 Dezembru ho sesaun plenária ida no aprovasaun konaba rezultadu sira husi Ministru Agrikultura, Pekuaria, Peskas no Floresta ho membru 43 sira hotu husi Grupu Servisu Tékniku/Technical Working Group (TWG) prezente husi inisiu to'o remata. Treinamentu no sorumutu análise sira atende ona husi partisipantes husi organizasaun ONU, ministériu Governu nian sira, ONG Lokál no Internasionál diferente sira ne'ebé inklui iha TWG. Evidensia disponivel sira hotu ba rezultadu no fatór kontribuinte sira ba inseguransa ai-han sira ne'e uza ba klasifikasaun faze inseguransa ai-han, ne'ebé adere ba protokolu IPC Globál nian no matadalan v3.1. Nivel evidensia ba análise ne'e avaliadu hanesan meus ba kumprimentu protokolu IPC. Konkluziun no rekomendasaun analítiku sira foti husi input TWG nian no partisipante sira konkorda ona kona-ba rezultadu finál sira.

### Fontes

Fontes dadus prinsipál sira uza ba análise ida-ne'e inklui:

- Avaliasaun Seguransa Ai-han - World Food Programme (WFP, 2023)
- Kustu husi Análize Dietas (MAPPF, WFP, 2023)
- Dadus presu merkadu (MAPPF, WFP, 2023)
- Alerta Seguransa Ai-han El Niño (WFP, FAO, GoTL, Outubru 2023)
- Levantamentu Nutrisaun no Ai-han Timor-Leste (MS, WFP, FAO, UNICEF, et al, 2020)
- Levantamentu Padraun Moris Timor-Leste (MoF, INETL, World Bank, 2014)
- Dadus bailoron-naruk no udan-been anuál - Food and Agriculture Organization (FAO, 2023)
- Sistema Índise Estrese Agrikultura (FAO, 2023)
- Rezumu husi País GIEWS (FAO, 2023)
- Hotspot Anomalia iha Produsaun Agrícola - Komisaun Europeia (EC, 2023)
- Dadus produsaun - Ministériu Agrikultura, Pekuaria, Peskas no Floresta (MAPPF, 2023)
- Kalendáriu kolleita - (MAPPF, 2023)
- Índise Presu Konsumidór/Consumer Price Index (CPI) - Instutu Nasionál Estatistika TL (INETL, 2023)
- Relatóriu Anuál - Ministériu Saúde (MS, 2022)
- Perspetiva Probabilístiku ENSO Administrasaun Nasionál Oseánika no Atmosférika (NOAA, Dezembru 2023)

## Limitasaun husi análize

Análize ne'e bazeia-ba rezultadu indikador sira husi Avaliasaun Seguransa Ai-han/Food Security Assessment (FSA) 2023, levantamentu oin ba oin boot liu konaba seguransa ai-han hala'o iha Timor-Leste, no fontes seluk subliñadu iha leten. Analista IPC sira servisu ho asunsaun ne'ebé impaktu El Niño ne'e sente no la'o hela, mezmu rai-maaran la deklara ofisialmente iha país. Dadus ofisial foin lalais konaba malnutrisaun, asesu bee, produsaun agrikola no gastus familia sira iha Timor-Leste la disponivel durante ezersisiu maibe bele kontribui ona ba análize ba períodu projesaun.

Maibé, dadus ofisial konaba assistensia umanitaria ne'e mos disponivel. FSA inkluidu persentajen husi familia sira iha kada munisipiu simu assistensia iha períodu rekordatoriu fulan tolu ida, ida ne'ebé konsideradu fatór mitigasaun ba munisipiu sira hanesan Oe-cusse, ida ne'ebé relatada persentajen aas liu (pursentu 20) husi familia sira ne'ebé simu assistensia.

Análize ida-ne'e antisipa posivel inkongruénsia temporal ida konaba estatutu administrativu Atauro, ida ne'ebé inisialmente munisipiu ketak iha análize IPC 2023. Mezmu iha ona diskusaun la'o hela konaba inkluzsaun husi Atauro iha munisipiu Dili, efetivamente hamenus total número munisipiu sira ba sanulu resin tolu husi sanulu resin haat, análize ida ameasa Atauro nu'udar munisipiu independente tanba nia estatutu administrativu seidak muda.

Konkorda ona katak instabilidade konaba situasaun iha Timor-Leste fornese variabilidade klimatika no sira-nia impaktu justifika revizaun ida konaba períodu projesaun no previstu sei hala'o husi Q1 2024. Atualizasaun ida-ne'e sei benefisia mos husi dadus ne'ebé la disponivel durante análize IPC inkluidu produsaun agrikola, gastus familia, nutrisaun no atu monitor efeitu husi programa assistensia ruma karik realizadu. Jeralmente, Levantamentu Timor-Leste tuirmai konaba Estandarte Moris/Timor-Leste Survey on Living Standards (TSLSS) planeadu ba 2024 sei sai adisaun ne'ebé simu ho diak ba análize IPC tuirmai.

## Saida mak IPC no Inseguransa Ai-han Agudu IPC?

IPC ne'e konjuntu ida husi ferramentus no prosedimentus atu klasifika gravidade no karakteristika husi krize nutrisaun no ai-han agudu nomos inseguransa ai-han kóniku bazeia-ba padraun internasionál sira. IPC konsiste husi funsaun reforsa mutualmente haat, ida ho protokolu konjuntu espesifiku sira (ferramentus no prosedimentus). Parametru pinsipál IPC sira inklui konstrusaun konsensu, konverjénsia konaba evidensia, responsabilizasaun, transparénsia no komparabilidade. Objetivu husi análize IPC hodi informa resposta emerjénsia nomos programa no politika seguransa ai-han tempu médiu no tempu naruk.

Ba IPC, Inseguransa Ai-han Agudu definidu nu'udar manifestasaun ruma konaba inseguransa ai-han hetan iha área espesifikadu no iha tempu espesifiku ida konaba gravidade ne'ebé ameasa vida ka manán-moris, ka rua ne'e hotu, saida deit nia kauza, kontestu ka durasaun. Ida ne'e suseptivel atu muda no bele akontese no manifesta iha populasaun ho tempu badak, nu'udar rezultadu husi mudansa derepente ka xoke sira ne'ebé negativamente impaktu ba determinante sira husi inseguransa ai-han.

## Kontaktu ba Informasaun

Ervinia Soares Pinto,

Kordenadora Agro-negósiu, Unidade Seguransa Ai-han no Kooperasaun

Email: [ervinasoaresp@gmail.com](mailto:ervinasoaresp@gmail.com)

IPC Global Support Unit

[www.ipcinfo.org](http://www.ipcinfo.org)

[ipc@fao.org](mailto:ipc@fao.org)

Análize ida-ne'e hala'o ona iha patrosiniu Ministéiru Agrikultura, Pekuaria, Peskas no Floresta (MAPPF) no Institutu Nasionál Estatistika Timor-Leste (INETL). Nia benefisia husi apoiu tékniku no finansa WFP no FAO, nomos fundu konjuntu SDG.

Klasifikasaun husi malnutrisaun no inseguransa ai-han uzandu protokolu IPC, ida ne'ebé dezenvolidu no implementadu mundialmente husi Parseiru Global IPC - Asaun hasoru Hamlahe, CARE, CILSS, EC-JRC, FAO, FEWS NET, Grupu Seguransa Ai-han Global, Grupu Nutrisaun Global, IFPRI, IGAD, Oxfam, SADC, Salva Labarik sira, SICA, UNDP, UNICEF, WFP, WHO no Banku Mundial.

## IPC Analysis Partners:

